



UNIVERSITÄTS-
BIBLIOTHEK
PADERBORN

M. Antonij Maioragij|| Orationes|| Et Praefa-||tiones

Majoragio, Marcantonio

Monasterii VWestphal., 1599

VD16 ZV 10313

Libelli supplices duo ad Senatum:

[urn:nbn:de:hbz:466:1-68843](https://nbn-resolving.org/urn:nbn:de:hbz:466:1-68843)



LIBELLVS SV-
PLEX AD SENATVM,

De Hora vespertina,
qua docebat Maioragius, in matu-
tinam commutanda.

Cum vestra prudentia atq; auctoritas sit, R. C.
non solum intelligere, quid in publicis negotiis
agatur; verum etiam providere, ut omnia, quam fieri
potest optimè rectissimeq; gerantur: M. Antonius Maior-
ragio, publico vtriusq; Linguae Mediolani Professor,
qui omnia prius expertus est, ne molestus esse videret-
ur, Vobis in praesentia significare visum est, se iam qua-
tuor ab hinc annos magno incommodo suo, studiosae
iuuentutis, hora vespertina Latine publice docuisse:
cum eo tempore forum mercatorum, Gymnasio vicin-
um, magnis vndiq; clamoribus obstrepat. Nam sem-
per aut pueri vociferantes, huc atq; illuc, dimissi è scho-
la, cursitant: aut aliquis circumforaneus circulator ly-
ra cantu, vel ass. voce plebeios homines congregat, &
iuvenes ad se potiùs audiendum allicit: aut praeco publi-
cus tuba inlamar, ut, quae decreta sunt à Magistratib.
enunciet: aut tortor maleficum aliquem in equuleo su-
spendit: aut deniq; (quod omnium est molestissimū) va-
ga iuuentus & intemperans, quae per forū illa hora de-
amb-

ambulare solet, in Gymnasium ascendit, & vel sibilis, vel pulsatione subselliorum, vel pulueris & lapidū coniectu, audiendi cupidos inturbat. Itaq; vos orat atque obsecrat, vt pro communi Iuuentutis utilitate, pro Ciuitatis dignitate, pro vestra sapientia, pro honore suo, velit iubeatisq; cum vtramq; Linguam matutino tempore profiteri. Sic enim & omnia predicta incommoda facile vitabuntur: & multi iuuenes, qui manē Græcam lectionem ab eodem audiunt, etiam Latinam eodem tempore multò libentissimè audient: quoniam bis in die non eis commodum est in forum accedere. Neque hoc vllò fiet Othonis Lupani, publici Professoris incommodo: modò is obseruare velit, quod aliàs auctoritate vestra constitutum est: vt paulò tempestiuus lectionem suam incipiat; & tunc legere desinat, cum ære Campano minore signum datur. Eodem enim tempore Græcam lectionem in alio Gymnasio Maioragius absolvere solet: quare deinde statim Othom succedet, vt Latine legat: atque hac vnaratione studiosi iuuentus, si voluerit, vtriusque Professoris quotidie Latinam lectionem audire facile poterit. Hac ideo Vobis, P. C. significare Maioragius voluit: quoniam certum atque exploratum habet, Vos pro consuetudine vestra, quod fructuosum & vtile iuuentuti fore videbitis, illud decreturos.



LIBELLVS ALTER,

De Immunitate publicis Professoribus concedenda,

Quoniam summa equitas, atque iustitia vestra. Per tres Conscripti, splendor em ac benignitas vestram proportionem aequalem in omnibus, de Republica laudat merentes diffundere solet: ideo nos, Otho Lupanus, et M. Antonius Maioragius, quos in hac ciuitate Vos Artium Oratoria Professores esse voluistis, supplicantes petimus, vt eadem immunitate nos donetis, quoniam Teatinensis Gymnasij Professores donastis: cum praesertim sit eadem nostra, quae illorum causa, et magis etiam nobis deberi, quam illis, immunitas videatur. Proinde, quia in Metropoli Ciuitate legimus: deinde, quia non tantum publice, sed etiam priuatim Respublicae defendimus. Rogamus igitur, vt etiam nos, sicut alij omnes Lectores publici, vestro munere gaudeamus.

M. AN.